

Las 18 tesis da Johannes Comander ("Schlussreden")

scrittass e stampadas ad Augsburg en vista da la disputaziun da Glion (8-9 schaner 1526)

1. La baselgia cristiana è naschida dal pled da Dieu. En quel duai ella restar e betg tadlar sin in'otra vusch che il pled da Dieu
2. La baselgia da Cristus na fa nagina lescha senza il pled da Dieu: Ella taidla quai che Cristus, ses consort, ha instituì e cumandà. Uschiglio fiss ella da main impurtanza che la sinagoga gidieua.
3. Da quai segua che la confessiun auriculara ed auter pli ch'ins numna leschas da baselgia, n'èn betg pli impegnativas, sch'ellas n'èn betg fundadas e cumandadas en il pled divin.
4. Nagut da quai che fin ussa è vegnì mussà davart il purgatiери, na vegn da Dieu.
5. Sch'insatgi scumonda la lètga e tschertas spaisas che Dieu ha stgaffi, cumprova quel d'avair bandunà la cretta e d'esser ispirà dal diavel.
6. Tgi che constatescha da betg avoir survegnì il dun da la castiada da Dieu, quel po e sto sa maridar, independentamain da sia classa sociala.
7. Far maletgs per als venerar, è cunter il pled da Dieu dal Vegl e dal Nov Testament.
8. Tut las leschas e prescripziuns d'umans che lian la conscienza èn inutilas. Quellas èsi d'abolir e d'annullar cumplettamain, perquai ch'ellas èn in cult divin invan.
9. Uvestgs duain pregiar els sez, betg exercitar pussanza politica e betg posseder gronds bains. Anzi duain els avoir avunda da mangiar ed avoir quità per la muntanera da Cristus cun l'agid dal pled da Dieu.
10. Spirituals, da tge classa ch'els sajan, duain en chaussas mundanas esser suttamess a la pussanza seculara.
11. Jesus, il Cristus, è en il Nov Testament l'unic autsacerdot che resta vivent en etern e che perquai n'ha betg da basegn d'in substitut.
12. Quest autsacerdot è per nus l'unic intermediatur tranter Dieu il Bab e nus, ses crettaivels. Perquai che tut ils auters intermediaturs ed intercessurs èn senza giustificaziun en la Sontga Scrittira, renunziain nus a quels.
13. Noss autsacerdot ha purschì in unic sacrifici che dura en etern. Uschia ha el abolì tut ils auters sacrificis. Pervi da sia perfecziun na duai quest unic sacrifici betg vegnir refusà da nagin.
14. La messa en la quala ins sacrificgescha Cristus a Dieu il Bab pervia dal putgà dals vivents e dals morts, è cunter la Sontga Scrittira ed ina disfamaziun dal sontgischem patir da Cristus.
15. Il sontg evangeli e l'entir Nov Testament n'enconuscha betg la messa. Cun midar l'eucaristia è vegnì inventà in nov sacrifici.
16. Che Cristus uschia sco ch'el sesa da la vart dretga da Dieu il Bab u sco ch'el ha pendì vi da la crusch, saja realmain preschent en il paun da l'eucaristia, è in errur e na po betg vegnir cumprovà cun la Sontga Scrittira.
17. La Sontga Tschaina dal Segner sco regurdanza ed engraziament per il patir da Cristus è suenter sia costituziun legitima vegnida bannida e remplazzada tras il sacrifici inventà da la messa.
18. Sch'insatgi vul avoir ina risposta davart la dieschma, a quel na vegnin nus betg ad opponer.

A Dieu saja gloria ed onur en eternitad. Amen.